

ND'I SAXIN

Ti Alfabetización Mediática e Informativa (AMI) nch'e xra' xranchi ndáru jwatet'uéen UNESCO íxin nūnthē tja'gíchú yanchi tsjee sen' ng'é xranchi tsunda jwasóji kú jwāchaxin wand'ée chūjni chāsen, yanchi keén chūjni tsun'ue sen' sinch'e'ū sen' xra' wā ndá chūnda sen' jwātun'ue wānd'ée nthā níchja j'u kú nthā ts'ōn, yanchi sinch'endáthe sen' jnguji ndīyā xra' ti tsi'y'en kú tsits'e chūjni íxin sinch'ewáxin sen' íchá jína.

Ngatoón jngu chāsindājni ti noó tet'uan chīgā, ndá xraxoni ti nchīyā xrāgū yā ti tixin rūgunda tsuchīna chūjni sinch'ewaxin kú tsitja sen' jngu "jwāchaxin ti rūgunda yanchi chuwaá tséju sen', nixinnchi tsjee sen', tsun'ue sen', tsunde'e sen' kú sinch'endathe sen' jngu jwātun'ue íchá jína ti tsingijina' tsitja sen' ng'é tjingon sen' xra chāsen, wand'ée xra' kú wand'ée nchīyā xrāgū", xranchi ndáru Declaración de Alejandría, ti wachrjexín Coloquio de Alto Nivel wand'ée Alfabetización Informativa y el Aprendizaje ngatoón jnguí jwārichun, ndá wéen Egipto, nch'on 9 nitjú thē s'oxin, nánú 2005. Xroón yān ndáru ti AMI la **ti ngusinexín jngu jwānch'ewaxin jnguí jwārichun**: ti chuwaá witja jngu jwātjingon jngu nchín tangí, yā ndítun rūgunda úchu sen' sinch'e sen' xra' ti sen' nch'ewaxin, ti tjingon sen', xranchi tséju sen' ngax'en chāsen, xranchi sinch'e'ū sen' xra' ngax'en nchīyā nd'ua sen', wand'ée jwātet'uan kú nchīyā xrāgū.

Wā yanchi xraxon ni, yātin micrositio **Somos Audiencias** yā jngu xra' wand'ée IFT íxin tsingijina' sinch'e na Alfabetización Mediática e Informativa (AMI) yanchi siin chūjni íchá jína kú chuwaá sinch'e'ū sen' xra' ti tsingijn'e na sen' t'jāgū, kú nixin sen' t'á, n'á kú chj'ēn sen' tsaye' sen' jína tha kú tsuchunda sen' ng'é tsunde'e sen' yā chuwaá tsits'e sen' keén ti tsar'exín nthā ts'on kú tsingijina' tsuchunda sen' jína jwāxraxon.

¡Tsunde'e, chīgā yā kú jwātun'ue yā j'a tsuchundaa!